



南溪集

初編

一

和6
653
1



門和16
號653
卷1-4

釋日綱知能著

南溪集

初編

平安書肆

玉樹堂發行



南溪集序

余與南溪上人交者二十餘年。方
雖隔內外。心則水魚如也。一日來
訪。曰願一言之託。先生容焉。余曰。
與上人交之親且久。上人之命。何
辭之有。上人乃謂曰。吾之祖先。為


經島氏。世事仙石越前侯。寶曆中。
乃父有故罷職。挈孺孤而來京師。
落魄殊甚。余時僅三歲。覆育不給。
棄爲浮屠。爾後族胤湮沒。網島一
支。殆將斲盡。雖浮屠乎。無後之戚。
豈得愜然乎。近更名經。亦但欲瓜

葛之一日。或延耳。私心猶且歎然。
因思余少嗜文字。雖固拙陋。詩若
文。若干首。今上諸梓。以公于海內。
則人或知余爲經島之裔。而祖先
亦賴之不朽矣。然不知者或謂。何
物老髡。刊租鹵文字。遺臭後代。取

南溪集 卷之二
嗤當世。黎東何罪。厚顏亦甚。苟欲
祖先不朽耶。不有建塔植碣者乎
哉。措而弗爲。乃作此迂僻之舉。謂
非好名。吾不信也。余是以惑焉。先
生盍賜一言。以闡明愚衷。是余之
所願也。余曰。唯。夫世之刊文字者。

非釣譽即歛利。是以句擲字从棘
猴玉楮。尚恐人之指摘。上人之撰
則異焉。何患乎辭之不尖巧。且夫
斯集也。幸能傳播耶。四方之士。由
斯集而知上人。由上人而溯知上
人之祖先焉。則不朽之功。豈在一

南溪集 卷之五
片石之下哉。奚傷彼多口。上人欣然曰。有味乎哉。斯言也。請以識之。於是乎序。
文化甲子冬十二月平安丘思純撰



南溪上人詩文集序

文辭者志之所發而志者文辭之所蘊也。視其文辭而知其志。觀其志而察其人。則人為度哉。予方外之友南溪上人。

南溪集 序
奉佛之暇為好文禱逍遙乎
考儒之堂優遊乎碩師之室
醉經飫史惟學是貪乃至携
琴侶於花前迎酒伴於月下
或筇烏而經丘或棹舫而尋壑



興到意遠則待以文以自
遣焉其構詞也能思人之所不
思而云人之所不能言豁達放
真象以無涯涘而格律精審嚴
然有法亦若其人矣亦如其志

南溪集 序
矣頃日致書曰袖之所作詩若
文若干篇將欲登梓以示因
好聊亦身遺耳豈云期不
朽乎子知己也一言以弁篇首
予自筮仕園部不復侍繩牀

者十年餘所雖然于寤寐于
食息未嘗忘于懷矣今也得
此書喜舊交再溫固不顧不
文以應其情云

文化甲子冬十一月

丹州園部文學平安馬程一撰



Faint bleed-through text from the reverse side of the page, including characters like '南溪集' and '卷之二'.

南溪集卷之一

釋日綱知能著

五言古詩

春日遊雙林寺

菴前花一樹花月本無情
西翁今安在空聞東風聲
小竹老南澗細流萬玉鳴
禪園夕陽深雙林落花輕
幽興吟未盡日暮響亂鶯

東山春晚

吾生少所樂况復多踈慵
東麓追君過一樓乘興鍾

南溪集 卷之一
新綠山如染，殘花春不濃。且爲祖青帝，盍簪俱酌醲。
妓餘謝家妙，屐著謝公蹤。收絲雨脚絕，泣血鶻英彤。
怒乎吟身適，醉來意從容。便遺世與我，幽期長可悰。

秋懷

宋玉今安在，金天氣悲哉。淒涼徹肌骨，搖落沒蒿萊。
歸雁更幾許，流景時獨哀。四壁惟蟲聲，月色滿高臺。
籬菊殘香冷，洲前蘆荻開。此生何所樂，半百首皚皚。
中夜夢難成，起吟愁詩新。偶爲懷故舊，往事感殺人。
賦松賀藤井氏祖母六十初度

種君北堂側，嫩葉綠向榮。偃蓋何須問，蟠根教藥生。
千年只貞質，百尺是高情。已有君子志，胡求大夫名。
琥珀仁孫富，茯苓孝子成。柏悅歲寒友，鶴巢後凋楨。
未致楚楚愛，亭亭不硜硜。棟梁材益碩，南山壽崢嶸。
定省人所慎，松萱宜弟兄。傲然風霜曉，永茲聞令聲。
七言古詩

山房春事

高卧耽春俗，不通餘閑盡。日策詩驄，謝屐尋幽過捷。
徑陶樽設宴，待鄰翁昏鐘隱隱。南溪寺落花不掃，鳥

聲空華書竺典短才疲山有野菼病身宜殘生此外
又何樂侍童秉燭助遊期更有濁醪催故態貪著千
金一刻時

秋雨夜話

君不見昔日歐陽殊不眠讀書萬卷賦千篇波濤驚
罷又風雨知是商聲落戶前今夜吾曹欽古人盍簪
君子共彬彬幽盟啜茗談黃老大道挑燈論孟荀管
鮑雷陳元白友金蘭膠漆埴篪偶悠悠物我兩相忘
榮辱從來非所有各治文華言行高更甘枯淡交遊

厚一身多病絕諸緣莫逆猶存詩與酒秋雨誰憐小
茂陵明朝況復是重九草蟲簷滴豈無情麗澤罄歡
長不負

歲晚道情

階前老松樹颯沓晚風鳴養拙歲寒日猶存慷慨情
居諸來往疾於矢讀書唯是舊糠粃一個浮生多感
傷幾度春雲又秋水妙年相見可相憐須臾鶴髮歸
蒿里樽前今夜好聲歡明日立春爲可喜籬邊寒菊
傲嚴霜雪裏早梅飄暗香卓矣幽襟與世絕豈夫鄰

南溪集 卷之一
色窺吾牆，新詩一曲，乾坤別濁酒。三杯物我忘，彼學野干鳴利路。此稱獅子吼，名鄉流俗相追，終不復問。然實者，蠱人腸，無奈滔滔濫竿客，可嘆悠悠餬口郎。百年生事多端，夢這裏何須論得喪，一行不成，今歲過桑榆，徒自愧無良。

送賜谷馬先生應聘趣園部

應聘園部，姓是騏先生，千里日驅馳。今朝舊梓去，遲遲二十年餘，在講帷經義，迎人決衆疑。文章於我，理容儀，徒惟好學熱門兒。子但明倫安宅，師機辯敏捷。

出益竒才華傑，出吐新詩灑灑書法事。羲之落落畫聲過，咸熙本自多能學。仲尼如何末技作，良醫先生不讓伯牙，絲祕曲妙音人不知。可嘆先生無子期，悠悠世上永如斯。山陰高士此爲誰，昔日王猷心忸怩。春雨相逢鴨水涯，秋風一別桂河湄。遡洄瞻望尚難隨，親炙周旋終見遺。先輩升堂績已丕，後生閉戶我胡飢。尊鱸應是使君思，彼亦人間第一時。吾獻陽關三疊詞，君行樂土七條逵。是生底事遇生離，況復天涯凋落悲。出處行藏非所窺，曾聞天理在民彝。夏畦

何用枯槁施霖霖年年及我私翹仰干旄向大基請
看霜菊發東籬重陽節後轉淒其夙送乘黃不耐辭
歲晚道情

鬢發颯風栗烈天請看畧運若流泉寒窻種竹月初
上暖室烹茶人未眠讀書無益短才古睥睨世間白
又玄債主猶存遁辭就隱居已卜放言傳數株梅萼
凌霜開半畦蘿蔔抽根來拙疾長甘枯淡味蔬食菜
羹濁酒杯麥飯茗糜本嗜好赤菽糯團更善哉泉石
曾無榮辱累烟霞適有性情催棲遲不用慕名利出

處行藏何所猜坎塲誰家徒齷齪竝泮幾子獨徘徊
鶯迎春氣曲啾啾童伺晨爨浙叟叟環堵自古身可
老儋石于今心不憂夢蝶園中遺物我隙駒蹄上足
春秋無端更有物光變倏忽此生沈與浮華竺披編
偶容與雅俗襲人交比周自適囂囂經甲子獨往遲
遲換葛裘耿介況非他所及百年漸免面牆羞世如
不屑惜懸景四序我悲荏苒流

南溪集卷之一終

南溪集卷之二
 不風韻...
 春...
 ...

南溪集卷之二

五言律詩

春日登華頂山

絡繹四橋東，遨遊士女同。
 香飄蘭麝袖，花映綺羅叢。
 攜妓追康樂，登山憶景公。
 暫時無限興，惹爾御春風。

幽居春晚

幽居人不到，春晚轉蕭然。
 餘興殘花底，斷魂新綠前。
 強將三酌酒，時有一回眠。
 看與風光別，堪懷賈浪仙。

春日同諸友遊得花字

此生元大夢日日酒應賒西郭東山路南村北里家
月臨林末近興向坐間加秉燭君須樂三春幾醉花
冬日訪隱者
野外路西前山晴復陰寒泉流蔓玉夜鹿叫穿林
濁酒興頻動清茶談始深幽期曾未負數去可相尋

小春晚晴

霎雨新晴好讀書人在堂風寒殘景短日暖小春長
鄰蝶來窺菊家猫去傍牆一庭楓樹晚濃淡自成章

秋夜雙林寺即事得懷字

前山暮色佳霎雨坐空齋夜永多新話秋高足舊懷
庭楓霜半染嶺月靄偏埋一醉興無限居然忘有涯

夏日同諸子遊邨氏別業

名園無價境相訪脫塵蹤繞砌細流響開窓新綠供
山深多躑躅池古有芙蓉時見兒童輩携花下一峯

杜鵑

不如歸去聲何事多情夢破人千里花殘月五更
低頭獨腸斷泣血幾天明春後新聞爾誰憐異早鶯

宿聖德寺

善哉聖德寺投宿排無明乘興催詩句不眠聽鹿鳴
一心皆淨土萬事本虛名多病懷安養何須願往生
山席上同源子幹賦

冬日謝瑞龍師見訪

敝廬有友至相喜尋幽盟我仰三千理師尊十劫名
家園新采菜詩句偶言情歡樂難偕久請看天日傾

癸丑孟春新結嚶鳴社賦飛來雙白鶴

嚶鳴新結社盛事又春哉箇箇黃鶯止雙雙白鶴來
今朝從淡海昨夜宿天台偶伴群仙處九臯應不回
蓮

遊山寺

卓卓蟠根大亭亭獨立清人知君子意我見佛陀情
已有無為趣長存不染名花中尤絕品却向淤泥生
古寺空山裡白雲秋漸深猿聲爭栗子魚梵感人心
蓮社新堪結虎溪猶可臨再遊相約去幾日問楓林

仲秋既望同諸友遊一心庵分八月桂花雨
後開爲韻得花字

一心生萬慮無物不咨嗟素位遊鄒魯隨緣入梵家
月妝前夜雨風破早秋花此境尤安老請看城市遐

賦遺音猶在耳悼悼宗處士

高堂新見背毀瘠勿傷生苦塊人初寢箕裘業夙成
遺音猶在耳今日獨存名相集丘隅鳥豈無嗟悼聲

賦遺音猶在耳弔四明牧齋兩居士

清風聲在竹明月影盈庵蕉葉摧寒露楓林破暮嵐

遺音猶盛事追慕是空談麗澤繁霜曉雁啼歸水南

寄題詩仙樓

相尚群仙子樓高瞰帝都清風凌夢蝶明月襲棲鳥
詩癖新堪長世情初欲迂悠悠千古事誰料與今俱

送真旭還丹州

世界未曾忘決然歸故鄉山高大江曉路遠幾郊霜
一所非無住尊親有在堂爲君裁此偈行矣事溫涼

摘春蔬

家園纔百畝遲日偶相臨采采蔬盈匊行行思滿襟

蒲公列閑地，土筆寫春心。興盡人歸去，頃筐時淺深。
遠邨帶春

旁村支落外十里，望成文簇簇。梅耶雪飛，飛烟又雲。
東山春稍動，南畝事初勤。好伴老農去，長忘人世氛。
送金宗的歸越後

遠遊人所慎，喜懼可思年。客服編爛，錦花敷爛。慢氎
丘隅，唯有鳥越國，豈無鷓鴣再會知。難得吾行問五泉。
夏日遊清水寺，延命院用杜少陵遊何將軍

山林韻

五橋通大谷，名寺路無何。綠樹山蟬早，花溪杜宇多。
瀑泉心可洗，家釀醉堪歌。未見考槃客，中林今試過。

梅雨烹茶

家園有標梅，日永雨聲催。童擁茶磨睡，客推蓬戶來。
禮容烹茗設，花簞待人開。三碗新佳境，已知霖悶摧。

望夫石

貞石曾誰婦，伯兮何失期。雲根朝吐怪，雨脚夕生奇。
鳥狎殘妝影，苔蒸舊黛眉。千年猶獨立，未爲一夫衰。

僧房避暑

法傳支那東人息化城中八獄蓮池冷三車火宅空
藤蘿罩明月竹樹競清風惟自消煩惱復須忘蘊隆
夏日同諸友遊東寺得水字

深林暑未消移榻臨池水風末竊荷香月邊窺桂子
蛙鳴蟬噪餘酒話茗談起盛興各休歸夜涼增可喜
月夜舟行

無盡江山興遡游舟一扁明珠波上走新鏡斗間懸
醉客猶酬酢侍童自睡眠東方將既白偶此學蘇仙
仲秋既望蘊古堂集得五微

少焉山上月却有勝前輝影指斗牛出明追烏鵲飛
一杯憐酒滿千首愧詩稀斯興應無盡問君歸不歸

擣衣

千家砧急促膏沐自相忘杵杵誰勞婦聲聲獨怨郎
月臨門戶片風破柳絲長王事非無鹽請看歸故鄉

山居暮秋

山居俗不通麋鹿馴衡宇秋老葉聲寒日斜樵語怒
迎賓可酌醪進葦無沾脯澗底折殘蘭花肥前夜雨

楓落吳江冷

知音千萬里，搖落望西東。寺古鐘聲遠，人愁月色空。
鱸時新復至，雁信已相通。未盡前來興，亂飛江上楓。
山臥落葉混雨。

動靜兩相得，徒嫌愁悶多。繞簷聲淅瀝，飄地影婆娑。
頻濕吟腸去，數敲閑戶過。楚音時聽少，杯酒自難和。

雪中尋梅

四望役人魂，探梅蓑笠奔。閨餘花自秀，雲外月新存。
醉去迷南浦，吟來過北村。狂遊徒若是，遮莫別乾坤。

歲晚言情

四十今添二，漸教衰老催。窻寒殘臘雪，花暖立春梅。
結友淵明逝，闢園榮木栽。愧吾聞道晚，可畏後生才。
花下思故人。

交歡各不全，幾度物光遷。大飲昔投轄，高山今絕絃。
彩霞埋渭樹，陰雨暗胡天。之子彌無賴，舊園花欲然。
乙卯季夏西郊清涼院錢石君士裕迎家嚴

歸豐城得鄉字

名院自清涼，錢君頻舉觴。遊情太切，瞻望路偏長。
月落牛窻外，夢殘鳳闕傍。雄飛乃翁志，無處不家鄉。

中秋無月

狂雲朝一片抹却界三千酒促有為月人嫌無賴天
待君猶不見聞雨未須眠久要看如此徒催舊管絃

通天橋觀楓

郭南東福寺數里小春殘楓葉經霜照溪流濯錦寒
賞秋浮世外為客暮雲端強欲參禪去通天一路難

寒汀水鳥

活活又溶溶朔風蘆岸冷成群鷗一朝出浴水千頃
汀上似忘機日中非畏影浮沈只若斯愛爾生涯靜

渾漫居小集得為字

相遇喜幽期寒更欲二時飯知蘿蔔美美覺米囊奇
坐久世情絕談闌爐火衰慙慙春事近行樂與君為

賦春色滿皇州

萬戶千門轟氤氳萬五方雲顏爭李白肉曲競鸝黃
人疎花已密雨短草還長無限東君美預知供我王

送平舟山趣濃州

雄飛千萬里見得丈夫心負笈軒岐道褰裳鄒魯得
花開多杜宇雨濕有梅林尺璧非非寶憐君惜寸陰

田家夏晝

深村長夏忙，麥熟稍堪打。稚子戲窺魚，老婆飢煮餅。
北窻驅睡魔，南畝鋤晴景。啓處尚無違，八家惟一井。
入鷗水即事
入夜在涼臺，坐間秋始催。妓歌隔水起，燈影連花開。
北渚鷗應宿，前山月欲來。主人尤厚意，不厭舉殘杯。
坐賦秋菊有佳色
荒園一叢菊，秋色自新清。裊露寒香動，襲花殘蝶輕。
風前多介節，霜後擅佳名。刺得柴來興，依然舊致成。

湖雪垂釣

蓑笠去遲遲，湖邊雪益宜。不須勞楚使，何必擬周師。
乘興回吟棹，忘機理釣絲。乾坤惟一味，家釀得鮮時。

東山雪望

玻璃世界，東山色只玲瓏。八坂存孤塔，雙林沒舊叢。
花寒蕭寺外，妓暖謝家中。獨信吟驢去，崑岡路始通。

鳧藻樓即事

高樓落成宴，共祝萬年春。酒豈期三爵，德猶存四鄰。
圓窻初引月，童殺未須賓。貽厥誠如此，知君愷悌新。

惜春

心賞常相負，今春已幾期。
 殘花空落雨，嫩柳獨添絲。
 鶻早深更月，鶯流薄暮枝。
 猶懷半樽酒，昏夢欲醒時。

雨集得絲字

梅雨細於絲，幽盟未負期。
 隔牆聞梵唄，揮筆試唐詩。

夏日遊宇治

酒有蘭陵味，人非鹿苑時。
 樂邦真是處，餘興欲歸遲。

梅潦新晴好，路從狼谷西。
 買風眠酒店，遊夢訪茶畦。
 草際知螢聚，橋邊見客迷。
 無聞遠山鹿，應有杜鵑啼。

螢

清光只明滅，來往一何微。
 燈挂先生室，珠傳菩薩衣。
 孤行凌露影，千點襲星輝。
 羅扇人窺處，乘涼自在飛。

愛日堂小集得庭字

仙區非復遠，相與坐新亭。
 噪雨蛙聲靜，吟風樹色青。
 假山移北嶽，貯水引南溟。
 愛日主人在，教吾趨此庭。

夏日山居

山間宜避暑，箕踞又盤桓。
 石待溪邊榻，雲迷屋後欄。
 讀來書半卷，移得竹三竿。
 終日無人事，泉聲洗耳寒。

胸宇絕塵纏工夫只睡眠殘薇奮拳出新筍襲籬穿
汲澗童烹茗捲簾翁聽蟬時無一杯酒偶預故人筵
山快哉樓即事
一雨洗殘暑新涼宜上樓孤村燈若豆遠樹影如丘
客唱非常句蜚吟未曲謳交歡知幾日偏嘆去來秋
是日鬱陶雨瀟瀟敲竹扉迎風蕉葉脆傲露槿花肥
獨惜桑榆暮空思故舊非忘憂唯有物醉聽艸蟲微

廣澤觀月

因尋娑竭月日已迫虞淵廣澤三千里親朋五六賢
思君迷野外取路出池邊忽到龍宮處秋高第十天

遊大澤

飽愛峨山楓猶貪大澤紅早行將爾北晚路與吾東
魚躍王池上人歌野店中誰言事遊蕩不是學陳風

又

二三兄弟在無處不相同縱飲漫吟客周情孔思翁
尋楓非一所裁賦有奇工正可及時樂從渠囊作空

烹茶

有客堪烹茗，幽期睡不遑。
敲冰挹寒玉，燒竹響虛堂。
坐久風濤聽，興來烟火香。
盧仙今尚健，髣髴碗中湯。
雪後
家園雪初霽，頻折竹三竿。
濁酒生春暖，新詩奏曲寒。
擁爐人不睡，烹茗興猶殘。
偶欲尋安道，月登疎嶺端。
笏廬宜密雪，相對絕塵氛。
世味甘於醴，幽情淡似雲。
梅尋霸流岸，人采楚田芹。
不覺吟驢進，凝華映暮曛。

歲晚道情

幾度歲云暮，無能天所賦。
梅因雪月癯，人為烟霞痼。
難拂世間塵，易忘林下路。
相歡聖與賢，一醉擅新句。
春夜光隆寺小集

相樂舊群賢，高堂幾箇年。
春醪發新暖，華燭吐香烟。
微雪瓊非積，一宵金欲千。
醉來詩亦就，月上竹窻前。
病中偶成

此生今半百，況復一浮漚。
花落黃鶯遠，人徂白日流。
夢情悲往事，病侶羨群遊。
寂寞春窻暮，雨鳴添箇愁。

詠楓

天孫之所錫，楓樹屬誰家。葉葉染成錦，枝枝開賽花。
胭脂紅未減，躑躅艷何加。一眴斜陽外，新妝已奪霞。
歲晚小集得三首
一年云復暮，三友此相敲。夜永清談熟，酒酣新話收。
佳羹促春意，微月上寒梢。積憤未曾解，胡為今水泡。

光隆寺小集

春來此訂盟，佳句使人驚。美醞過三酌，新談及二更。
友存聞直諒，雪宿絮鹽瓊。興盡不歸去，雖僧芳草烹。

禁門晴雪

禁門朝望靜，雲外動微陽。玉白官梅下，花明御柳傍。
丹墀分色赤，青瑣掠春蒼。時獻豐年瑞，鳴鑾乃有將。

愛日堂小集得經字

交歡春一夜，盛事在高亭。陸鼎生寒韻，林梅報暖馨。
盆中石古怪，室裏蘭新青。相遇吾忘我，斯盟此永經。

送萬慶上人歸但州

之子本同鄉，業成辭洛陽。高山大江曉，遠路幾郊霜。
寺住溫泉地，燈傳古道場。請君歸去後，安否問吾岡。

秋夜懷華頂舍弟

秋宵一何永，耿耿夢難成。戶外蟲頻叫，天邊雁數鳴。
任官思爾薄，飛錫奈吾輕。華頂雙親老，豈無朝夕情。

寒夜聽琴

一曲東山下，寒宵古調聲。月臨華柱靜，風叩竹扉清。
歌際哀猿嘯，絃中孤鶴鳴。知音何處在，寂寞主人情。

月夜泛湖

萬頃月三更，茫然一葦行。掠舟孤鶴去，回棹睡鷗驚。
膳所糧堪給，石場魚任烹。蘇仙何處在，狼藉舊風情。

鴨水亭避暑

一雨洗殘暑，依然涼氣來。南橋人絡繹，北渚鳥徘徊。
山近窺華頂，寺高知妙臺。溯游無限意，相樂酌吟杯。

船發浪華江口

早發浪華城，潮來浴景生。故園今日遠，四海一帆輕。
博戲人塵俗，高吟我素情。風波尤可慎，十八有灘名。

鹿飛峽水涸

琵琶湖水減，麋鹿峽流虛。早魃兩三月，憂心千萬廬。
仰看雲裏漢，俯見轍中魚。南北通船少，益教鄉信疎。

詠菊

風霜搖落後君獨傲籬頭夢結漆園曉花開彭澤秋
隱倫堪養拙家釀可忘憂出處何須問先生本自由

春雪

已送窮陰去初看尺瑞來覺寒春又臘爭白雪耶梅
安道門猶社子猷棹尚回東風偏有妬童也莫徘徊

雨中春望

霖霖連朝暗迷雲若妬晴甫田知麥秀十畝覺蔬盈
吟望何須笠臥遊偏聽鶯有年真可樂一任減花榮

雨夜小集得塘字

梅潦溢池塘來賓乃滿堂珍肴非野蕪昔酒勝天漿
坐自金蘭友詩全李杜腸夜闌人未去門外柝聲忙

驟雨

苦熱幾何日新涼徒恨遲雲霓望數近霹靂聲頻移
隔轍存差等覆盆無已私居然離火宅晚眺欲晴時

雨夜小集得色字

今朝已授衣過雨多秋色揮筆尋詩盟銜杯覺酒力
幽期只可憐餘興何須默相樂舊風流愧吾勞翰墨

病中迎春
雞聲分曙色，淑氣自成祥。病客惟高枕，老親猶在鄉。
梅花供佛座，柏酒獻慈堂。可嘆吾生拙，年來不出房。

五言排律

春色滿皇州

闌闌韶光滿，林巒瑞景浮。萬家樂業處，遲日乘閑遊。
聲報啼鶯際，色傳垂柳頭。烟霞生故態，雨露發新謳。
飲燕誰携妓，風流偶上樓。絃歌雖可喜，杖鉢未曾求。
禁苑花如錦，民廬酒似油。桔槔何所用，既使夏畦優。

管丞相

郁郁君文獻，歲寒梅蘂馨。乾坤大事業，社稷一雷霆。
萬方徼福履，千古仰威靈。朝取支那路，夕敲印度局。
滄浪清復濁，醍醐醉欲醒。知是薩埵屬，猶存丞相形。
神明不測矣，妙法蓮華經。

松鶴篇

孤高百尺松，獨往千年鶴。相伴宿風霜，不須通燕雀。
彼存秦代榮，此守林家約。仙翮老將雛，蟠根古生藥。
南山獻壽歡，北海凌霄樂。同得歲寒心，永無忘德澤。

歲晚道情

流景駛如川，浮生輕似船。人情本波浪，世事只金錢。
身為風塵瘦，心因文雅堅。聖門曾受業，管見獨窺天。
陋室喜春至，窮途悲老遷。拂煤勞敝帚，滌垢汲寒泉。
未火貧夫券，終期債主憐。三衣非質物，一鉢免凶年。
寂寂林丘下，囂囂市陌邊。相逢夢中夢，無奈白駒遒。

偶成

愚弄人間世，朝三暮四慵。天遊今潦倒，陸沒尚龍鍾。
已畏日中影，茲追林下蹤。因緣疎不恤，物我絕無容。

結雨敝廬，夢號風殘夜。蜚荒園涉訪，菊舊榼傾甞。醞
誰笑棲遲，久獨憐年所。重南軒晴曝，背九日醉攀峯。
采蕈兒曹聚，合杯韻士逢。俱修文雅，展永廢利名。節
師子吼，何暴野干鳴。且從弊風曾颯颯，流俗遂溶溶。
請守足尊敬，又思足父恭。滄浪雖濯足，休吮彼其癰。

歲晚道情

老後心灰白，爐前炭火紅。茗糜長養拙，詩句未須工。
志士惟孤立，榮名本一空。生涯若雲水，死地任西東。
訪友宿林下，探梅迷雪中。道機雖漸熟，塵累叵全終。

